

遼史補注

六

〔元〕脫脫等撰
陳述補注

中華書局

(元) 脱脱 等撰

陳述 補注

遼史補注

第 六 册
卷四一至卷四六(志二)

中華書局

遼史補注卷四十一

志第十一

地理志五

西京道

西京大同府，〔一〕陶唐冀州之域。虞分并州。夏復屬冀州。周職方，正北曰并州。戰國屬趙，武靈王始置雲中郡。秦屬代王國，後爲平城縣。〔二〕魏屬新興郡。晉仍屬雁門。劉琨表封猗盧爲代王，都平城。〔三〕元魏道武於此遂建都邑。孝文帝改爲司州牧，置代尹，遷都洛邑，改萬年，又置恒州。高齊文宣帝廢州爲恒安鎮，今謂之東城，尋復恒州。周復恒安鎮，改朔州。〔四〕隋仍爲鎮。〔五〕唐武德四年置北恒州，〔六〕七年廢。貞觀十四年移雲中定襄縣於此。〔七〕永淳元年默啜爲民患，移民朔州。開元十八年置雲州。〔八〕天寶元年改雲中郡。乾元元年曰雲州。乾符三年，大同軍節度使李國昌子克用爲雲中守捉使，

殺防禦使，據州以聞。僖宗赦克用，以國昌爲大同軍防禦使，不受命。^(九)廣明元年，李琢攻國昌，國昌兵敗，與克用奔北地。黃巢入京師，詔發代北軍，尋赦國昌，使討賊。克用率三萬五千騎而南，收京師，功第一，國昌封隴西郡王。國昌卒，克用取雲州。^(一〇)既而所向失利，乃卑詞厚禮，與太祖會于雲州之東城，謀大舉兵攻梁，不果。克用子存勗滅梁，是爲唐莊宗。同光三年，復以雲州爲大同軍節度使。晉高祖代唐，以契丹有援立功，割山前、代北地爲賂，大同來屬，因建西京。

敵樓、棚櫓具。廣袤二十里。門，東曰迎春，南曰朝陽，西曰定西，北曰拱極。元魏宮垣占城之北面，雙闕^(一)尚在。遼旣建都，用爲重地，非親王不得主之。^(二)清寧八年建華嚴寺，奉安諸帝石像、銅像。^(三)又有天王寺、留守司衙，南曰西省。北門之東曰大同府，北門之西曰大同驛。初爲大同軍節度，重熙十三年升爲西京，府曰大同。^(四)

統州二、縣七：

(一) 今山西大同市。

(三) 雲中郡、平城縣俱不在此，秦亦無代王國。索隱卷五：「秦初虜代王嘉置代郡，秦亡有代王歇，秦何嘗有代國。」又云：「漢志雁門郡平城故城，在大同府東無憂陂。」

〔三〕索隱卷五：「志以此誤爲秦、漢代郡。」

〔四〕索隱卷五：「改下當有隸字。隋志：馬邑郡，舊置朔州，其所統縣，一曰雲內。注：後魏立平齊郡，尋廢。後周改曰雲中。開皇初改曰雲內。有後魏都，置司州。又有後齊安遠、臨塞、威遠、臨陽等郡，屬北恒州。後周並廢。此周廢恒，代爲恒安鎮外，又有雲中縣隸朔州也。志失之。」

〔五〕隋書卷三〇地理志：「馬邑郡舊置朔州，開皇初，置總管府。」又卷六一郭衍傳：「（開皇中）選授朔州總管，所部有恒安鎮。」是可爲元和志證。

〔六〕按新唐書地理志卷三九作武德元年置。舊唐書地理志卷三九作武德六年。

〔七〕索隱卷五：「按兩唐志並云：自朔州北定襄郡移，以隋開皇二十年已自榆林郡金河縣移雲州總管府於定襄郡也，雲州再移。志遂誤以爲即漢雲中郡。」

〔八〕雲州，原誤「雲中州」。據新唐書地理志卷三九改。舊唐書地理志卷三九作開元二十年。

〔九〕通鑑地理通釋卷一四石晉十六州考：「雲州雲中郡，貞觀十四年自朔州北定襄徙治定襄縣治，雲中縣本馬邑郡雲內之恒安鎮，武德元年置北恒州，貞觀十四年置定襄縣，開元十八年更名，天寶元年曰雲中郡，升大同軍節度。會昌三年置大同都團練使，治雲州。乾符五年升大同都防禦使爲節度使。」

〔一〇〕州，原誤「南」。據本史卷一太祖紀及新五代史卷四改。索隱卷五：「此唐大順二年二月攻赫連鐸事。」

〔二〕水經注卷一三：「平城，王莽之平順也。魏天興二（元）年遷都於此。太和十六年，破太華、安昌諸殿，造太極殿，東西堂及朝堂，夾建象魏，乾元、中陽、端門、東、西二掖門、雲龍、神虎、中華諸門，皆飾以觀閣。」魏道武遷都平城，魏書在天興元年。山西通志卷五七：後魏宮垣在大同府城北門外，有土臺東西對峙，蓋雙闕也。後爲天王寺。

〔三〕近年出土瓦硯，有款識：「西京仁和坊李讓羅土澄泥硯瓦記。」見全遼文卷一二。可見西京有仁和坊，有制硯工藝。

〔三〕汪承爵大同府志：「華嚴寺在府城含和坊，遼建。奉安諸帝石像銅像，計石像五，銅像六，內一銅像袞冕垂足而坐，餘俱常服。」元史卷一五三石天麟傳：「江南道觀，偶藏宋主遺像，有僧素與道士交惡，發其事，將置之極刑，帝以問天麟，對曰：「遼國主、后銅像在西京者，今尚有之，未聞有禁令也。」事遂寢。」

張煦等山西通志卷五七：「華嚴寺在大同府城西門內，寺中北閣下銅石像數尊，相傳遼帝后像。凡石像五，男三女二，銅像六，男四女二，內一銅人，袞冕帝王之像，垂足而坐，餘皆中幘常服危坐。」華嚴寺分上、下寺，今仍保存較完整。坐西向東，漢式建築，保存契丹東向之俗。雖歷經重修，規制猶存。下寺正殿額曰薄伽教藏。薄伽者薄伽梵之畧，又曰婆伽婆，譯曰世尊。故薄伽教即佛教，因存佛經，故以題額。下華嚴寺殿內北樑有重熙七年題記：「推誠竭節功臣、大同軍節度、雲、弘、德等州觀察處置等使、榮祿大夫、檢校太尉、同政事門下平章事、使持節雲州諸軍

事行雲州刺史、上柱國、弘農郡開國公、食邑肆仟戶、食實封肆佰戶楊又玄。」（見全遼文卷七大同縣薄伽教藏木椽題記。）

又有天王寺、大普恩寺，見劉致平大同及正定古代建築勘察紀要，載於一九五一年二月中央人民政府文化部文物局雁北文物勘查團報告。

〔二四〕山西通志：「張起巖崇文堂記云：『雲中，在遼，金爲陪京，學即遼國子監，宏敞靜深冠他所。』又曰：『梳裏樓，在大同府城西北隅，相傳遼蕭太后居此，遺宇尚存。』」

警巡院見全遼文卷一 ○董承德妻郎氏墓誌。

皇統七年曹衍大金西京武州山重修大石窟寺碑（見輯本析津志寺觀）：「十寺之外，西至懸空寺，在焦山之東，遠及一舍，皆有龕像。唐貞觀十五年，守臣重建。遼重熙十八年，母后再修，天慶十年，賜「大」字額。咸熙五年（金避雍字），禁山樵牧，又差軍巡守，壽昌五年，委轉運使提點，清寧六年，又委劉轉運監修。先是亡遼季世盜賊羣起，寺遭焚劫，靈巖棟宇，掃地無遺。」據調查挖掘，知遼代在雲岡工程浩大，殆經興宗、道宗、天祚累朝重修者。

乾隆大同府志卷一五：「觀音堂，府城西十五里佛字灣，遼重熙六年建。」今觀音殿內尚存遼代所雕觀音石立像一軀。觀音堂西石崖上刻有雙鉤巨大「佛」字，約爲遼代遺跡。見王遜雲岡一帶勘察記（一九五一年刊於雁北文物勘查團報告）。據勘察，遼人在此等石礎、石窟之前，均建有巨大之木建築，而此等巨大木建築又皆後接窟室者。遼代銘記內有：「修大小一千八百七十

六尊。」其規模宏偉可知。

大同縣。〔一〕本大同川地，〔二〕重熙十七年西夏犯邊，析雲中縣置。戶一萬。〔三〕

〔一〕即今大同市，縣在原府城內東偏。

〔二〕記纂淵海：「周大同川地，戰國趙置雲中縣。漢爲雁門郡平城地，遼置大同縣。」

索隱卷五：「唐中受降城西有大同川，去此甚遠。此縣以唐大同軍額名，不當引大同川。」

〔三〕孫體元大同縣志：「方山在城北五十里，有拓拔魏二陵及方山宮故基。禪房山在城西南六十里，上有寺塔，創自遼。」

雲中縣。〔一〕趙置。〔二〕沿革與京府同。戶一萬。

〔一〕即今大同市，縣在原府城內西偏。

〔二〕索隱卷五：「此非趙置之雲中，沿革與京府誤同，此縣以後周之雲中縣名。唐志：雲州雲中郡雲

中縣。注：本馬邑郡雲內州之恒安鎮，貞觀十四年曰定襄，開元十四年更名雲中，蓋亦因後周

舊名耳。」元和郡縣圖志卷一四：「紇真山在縣東三十里。虜語紇真，漢言三十里。其山夏積雪

霜。」又曰：「單于臺，在縣西北四十里，漢武帝元封元年，勒兵十八萬騎出長城，北登單于臺，即此也。」通典卷一七九州郡九：「雲中縣，有故高柳城、參合陂。」

天成縣。〔一〕本極塞之地。〔二〕魏道武帝置廣牧縣，〔三〕唐武德五年置定襄縣，遼析雲中置。〔四〕在京北一百八十里。戶五千。

〔一〕即今天鎮縣。

全遼文卷六開泰八年創建無垢淨光舍利塔記作天成。金史卷二四地理志、卷四九食貨志曾並作天城，但中華書局校訂本已改作天成。金史卷八九蘇保衡傳、卷一三三移刺窩斡傳並作天成。

〔二〕索隱卷五：「按今天鎮縣。志當云本漢代郡陽原縣地。」

〔三〕索隱卷五：「魏志朔州附化郡廣牧縣，即晉志并州新興郡之廣牧縣。在今山西壽陽縣北。一統志考天鎮縣沿革，亦沿此誤。」

〔四〕索隱卷五：「案此縣隨北恒州同廢，故遼又析置。」

長清縣。〔一〕本白登臺，〔二〕地，冒頓單于縱精騎三十餘萬圍漢高帝於白登七日，即此。

遼始置縣。有青陂，梁元帝橫吹曲云：「朝跋青陂，暮上白登。」^(三)在京東北一百一十里。^(四)戶四千。

〔一〕即今陽高縣，縣東南大泉山即大白登。

長清，原作長青，本史卷三六兵衛志下同。全遼文卷六張琪墓誌銘、卷八董匡信及妻王氏墓誌銘、金史卷二四地理志、金文最卷一〇一元好問撰東平行臺嚴公神道碑、卷一一一長清縣靈巖寺才公禪師塔銘、又長清縣靈巖寺寶公禪師塔銘並作長清縣。據改。

〔二〕水經注卷一三：「服虔曰：白登、臺名也。去平城七里。如淳曰：平城旁之高城，若丘陵矣。今平城東十七里有臺，即白登臺也。臺南對崗阜，即白登山也。孫暢之述畫曰：漢高祖被圍七日，陳平使能畫作美女送於冒頓，闕氏恐冒頓勝漢，其寵必衰，說冒頓解圍於此矣。」

隋書卷三〇地理志：雲內縣有白登山。太平寰宇記卷四九：「臺在雲中縣東北三十里。」

〔三〕索隱卷五：「樂府詩集，橫吹曲有梁元帝關山月云：『朝望青陂道，夜上白登臺。』本五言，此志引作四言。又寰宇記引冀州圖云：青波道自平城東南四十里西北出，至紇真山東北斜向平城西門山東出，經白登山南脚一百步，仍東迴二十里出渴鉢口，蓋青波皆青陂之譌。唐志：雲中有陰山道、青陂道，皆出兵之路，陰山道見下。」

〔四〕索隱卷五：「今陽高縣在大同府東北一百二十里，本漢代郡高柳縣地，金改長青爲白登縣。」

奉義縣。〔一〕本漢陶林縣。〔二〕地。後唐武皇與太祖會此。遼析雲中置。戶三千。

〔一〕在今大同市北。

〔三〕索隱卷五：「一統志：奉義故城在今大同府北，漢陶林縣屬雲中郡，在今朔平府北塞外歸化城界內，非今大同縣境，遼志誤也。」

懷仁縣。〔一〕本漢沙南縣。〔二〕元魏葛榮亂，縣廢。隋開皇二年移雲內于此。〔三〕大業

二年置大利縣，屬雲州，改屬定襄郡。隋末陷突厥。李克用敗赫連鐸，駐兵於此。

遼改懷仁。在京南六十里。戶三千。〔四〕

〔一〕今大同市西南懷仁。

金史卷二四地理志：懷仁，遼析雲中置。

〔三〕索隱卷五：「一統志：遼懷仁故城在今懷仁縣治西，因阿保機與晉王李克用會於東城，有懷想仁人之語，故縣取名。又云：元和志：勝州河濱縣，本漢沙南縣地。河濱廢縣，在今鄂爾多斯左翼前旗界內。漢章據李氏釋地亦云：漢沙南縣在今榆林府府谷縣東北，明非大同境內。一統志雖未言遼史誤，其誤可知。」

〔三〕索隱卷五：「隋開皇中雲州移置定襄郡，故隋志定襄郡，統縣一，大利，大業初置。如此志文，似雲州與定襄郡地異矣。又大利故城在今平魯縣西北，志又誤引。」

〔四〕記纂淵海：「金龍山在縣西南。海子在縣東，其西北有泉，深不可測。」

懷安縣。〔一〕本漢夷輿縣地。〔二〕歷魏至隋，爲突厥所據。唐克頡利，縣遂廢爲懷荒鎮。高勳鎮燕，奏分歸化州文德縣置。初隸奉聖州，後來屬。在州西北二百八十里。戶三千。

〔一〕今河北省懷安縣（柴溝堡）東南舊懷安。

〔二〕索隱卷五：「統志：懷安舊城在今宣化府懷安縣東二十里。水經注：漢夷輿縣在居庸縣東北。居庸故城，在延慶州東。夷輿故城在州東北。遼志謂在懷安縣，誤也。又一統志：縣北五里九王城，相傳遼築，遺址尚存。」

弘州，〔一〕博寧軍，下，刺史。東魏靜帝〔二〕置北靈丘縣。唐初地陷突厥，開元中置橫野軍安邊縣，〔三〕天寶亂廢，後爲襄陰村。統和中，以寰州近邊，爲宋將潘美所破，廢

之，乃於此置弘州，初軍曰永寧。有桑乾河、^{〔四〕}白道泉、^{〔五〕}白登山，亦曰火燒山，^{〔六〕}有火井。統縣二：

永寧縣。戶一萬。

順聖縣。^{〔七〕}本魏安塞軍，五代兵廢。高勳鎮幽州，奏景宗分^{〔八〕}永興縣置。初隸

奉聖州。在州西北二百八十里。戶三千。^{〔九〕}

〔一〕州治永寧縣，即今河北陽原縣。清爲宣化府西寧縣。民國陽原縣志卷三：「唐安邊縣故城在治城東八里方城堡。有大古城門，明時猶存，遼弘州博寧軍故治。」同治西寧新志卷一：「弘州一作洪州，在魏末自爲昌平及安陽地。遼史既以蔚州之定安當安陽，舍數百年相承之故縣，從一時權宜之僑郡，誤。」

〔二〕馮校：靜帝當作孝靜帝。

〔三〕索隱卷五：「一統志考東魏北靈邱及唐橫野軍並在今蔚州，弘州、永寧特唐時安邊地耳。遼志誤襲元和志蔚州建置之文，遂謂縣本唐橫野軍，誤。漢章據唐志蔚州注：東北有橫野軍，開元十二年置，安邊縣，治橫野軍，是縣與軍同治。遼之弘州非橫野軍，并非橫野軍所治之安邊縣，一統志尚未詳考。」

〔四〕宣府鎮志卷八山川考：「桑乾河在弘州，今順聖西城南二十里，源出馬邑洪濤山，下與金龍池合

流東南入盧溝河。」索隱卷五：「今同名。水經濕水注：桑乾水即溱涑水。」

〔五〕太平寰宇記卷四九：「白道泉，郡國志云：白道高陂有土穴出泉，即古樂府之飲馬長城窟。」索隱卷五：「案水經河水注，南谷口側帶長城，背山面澤，謂之白道嶺，沿路惟出泉，挹之不窮。」

同治西寧新志卷一：「白道泉以之名者衆矣。白登山在陽高縣南桑乾河之北，爲彼時弘州西境，而志以河南之火燒嶺當之，謂之火山，云有火井。殆未讀水經注全文也，誤。」

〔六〕太平寰宇記卷四九：「火山，在（雲中）縣西五里，水經注云：西溪水道源火山，山有火井，南北六十步，廣減尺許，深不見底，炎勢上升，常若微雷發響，以草爨之，則煙騰火發，其山以火從地中出，亦名熒臺。」索隱卷五：「白登與火山異。……熒臺與白登臺不同，今無考。」山西通志：「鷲峯寺在大同府城東一百五十里。舊弘州龍樹山之陽，內有塔一座，高一百尺，遼壽昌四年建，乾統三年修。」宣府鎮志卷一七祠祀考：「遼弘州有尚書左丞相楊伯通墓。」中州集卷七：「王元節，弘州人，祖山甫，遼戶部侍郎。」

〔七〕即今陽原縣東順聖舊城。民國陽原縣志卷三：「遼順聖廢縣，在治城東六十八里，城垣俱存，周四里，門三。去今東城八里。」清一統志卷二四：「順聖廢縣，在西寧縣東六十里。」同治西寧新志卷一：「順聖故城，在今縣東城東八里，去壺流河入桑乾處十二里，河西爲漢桑乾縣，故代郡治也。河東爲北魏萬年縣，故昌平郡治也，無所謂安塞。魏地制亦不立軍名。」

〔八〕據本史卷六穆宗紀應曆十三年正月，卷八五高勳傳及金史卷二四地理志，景宗應作穆宗。

〔九〕宣府鎮志卷一二宮宇考：「秋林亭，在順聖西城溜雲山下，盛暑，山石滴水成冰，可消煩渴，遼人建亭焉。」又「崖木亭，在順聖西盤崖洞口，峭壁千仞，架獨木爲橋，經久不朽，遼人建亭其側。」元姚燧牧庵集卷二六金甄官署令魏府君墓碣：「魏氏由唐相知古子林刺朔州，子孫居桑乾。桑乾爲今弘州之順聖。遼有延恕者，生中奉大夫守成，中奉生通奉大夫餘慶。」

德州，〔一〕下，刺史。唐會昌中以西德店置德州。開泰八年以漢戶復置。〔三〕有步落泉、金河山、〔三〕野狐嶺、〔四〕白道坂。〔五〕縣一：

宣德縣。本漢桐過縣〔六〕地，屬雲中郡，後隸定襄郡，漢末廢。高齊置紫阿鎮，唐會昌中置縣。戶二千。

〔一〕州治宣德，在今內蒙古涼城東北，山西大同市西北拒牆堡與助馬堡之間。索隱卷五：「金志：大同府宣寧，遼德州宣聖軍宣德縣。一統志：朔平府左雲縣，遼爲德州昭勝軍。」

〔二〕案本史卷一六聖宗紀開泰八年十一月，置雲州宣德縣。新、舊唐書地理志無宣德縣。

〔三〕太平寰宇記卷四九：「金河水，郡國志云：雲中郡有紫河鎮，界內有金河水，其泥色紫，故曰金河。」

〔四〕唐書梁師都與突厥千騎營於野狐嶺。

〔五〕太平寰宇記卷四九：「陰山道，按冀州圖云：雲中周回六十里，北去陰山八十里，南去通漠長城百里，即白道川也。南北遠處三百里，近處百里，東西五百里，地至良沃，沙土而黑，省功多獲。每至七月乃熟。白道川當原陽鎮北，欲至山上，當路有千餘步，地土白如石灰色，遙去百里即見之，即是陰山路也。從此以西及紫河以東，當陰山北者，惟此道通方軌，自外道皆小而失次者多。」

〔六〕索隱卷五：「漢桐過縣，水經河水注：濟有君子之名，在雲中城西南二百餘里。一統志：故城今朔平府右玉縣西北塞外歸化城，西南濱河，則非即宣德縣地。」

豐州，〔一〕天德軍，〔二〕節度使。秦爲上郡北境，漢屬五原郡。地磧鹵，〔三〕少田疇。自晉永嘉之亂，屬赫連勃勃。後周置永豐鎮。隋開皇中升永豐縣，改豐州。〔四〕大業七年爲五原郡。義寧元年太守張遜奏改歸順郡。唐武德元年爲豐州總管府。六年省，遷民於白馬縣，遂廢。貞觀四年分靈州境，置豐州都督府，領蕃戶。天寶初改九原郡。乾元元年復豐州，後人回鶻。會昌中克之，後唐改天德軍。太祖神冊五年攻下，更名應天軍，復爲州。有大鹽澤、九十九泉、〔五〕沒越澤、〔六〕古磧口、〔七〕青塚——即王昭君墓。〔八〕兵事屬西南面招討司。統縣二：〔九〕

富民縣。(一〇)本漢臨戎縣，遼改今名。戶一千二百。

振武縣。(一一)本漢定襄郡盛樂縣。(一二)背負陰山，(一三)前帶黃河。元魏嘗都盛樂，即

此。(一四)唐武德四年克突厥，(一五)建雲中都督府。麟德三年改單于大都督府。(一六)聖

曆元年又改安北都督。開元七年割隸東受降城。八年置振武軍節度使。(一七)會昌五

年爲安北都護府。(一八)後唐莊宗以兄嗣本爲振武(一九)節度使。太祖神冊元年，伐吐

渾還，攻之，盡俘其民以東，唯存鄉兵三百人防戍。後更爲縣。(二〇)

(一)州治富民遺址在今呼和浩特市東郊太平莊鄉白塔村西南古城，東距市區十八公里。遺址內有萬部華嚴經塔，俗稱白塔。據發掘鑑定，此城爲遼代新建。與隋、唐之豐州不同，本志所引多不合。

(二)索隱卷五：「按金志：豐州天德軍，遼嘗更軍名應天，尋復。」

(三)索隱卷五：「漢志：雁門郡沃陽，鹽澤在東北。水經河水注：鹽池東西五十里，南北二十里，西南去沃陽城六十五里。一統志：沃陽故城，今朔平府左雲縣西北塞外鑲藍旗察哈爾界中。」

(四)索隱卷五：「案以上志文並本元和志而參以隋志，故於秦爲上郡北境下加入「漢屬五原郡」五字，爲「隋爲五原郡」五字之根本，不知上郡北境乃朔方郡與西河郡，西河郡之北境始是五原郡。隋之豐州五原郡與唐之豐州九原郡，並非秦、漢之五原、九原，而隋、唐豐州，至宋沒於西夏，其